

陶雲汀先生奏疏

宮保陶雲汀先生五十六歲像



崑山張仲英敬繪

芥雖其形亦孺其心獨
立蒼茫而謀畫自燦上
己承日夕之炎下以沸
山濤之霖

雲汀宮保大前輩大人教正

館後學程恩澤拜題



奏疏卷二十五目錄

撫蘇稿

安化陶

漕船改由橫閘歸次請獎出力各員

籌撥展賑口糧銀款摺子

總督會稿

代奏耆紳會榜重逢與宴加銜謝

恩摺子

總督會稿

瀏河籌款再挑並緩漕未能搭運摺子

總督會稿

籌議練湖水利擇要興修摺子

總督會稿

赴鎮江催漕摺片

代奏運司在籍患病請開缺摺子

請緩蘇局卯錢毋須補鑄摺子

挑浚吳淞江工段銀數摺子

仁宗聖訓全部謝

恩摺子

請緩淮安熟田錢糧摺子

總督會稿

代奏耆紳重逢會榜免赴京宴謝

恩摺子

籌補江寧藩庫封貯銀款摺子

漕船改由橫閘歸次請獎出力各員

奏爲遵

旨查明催償回空糧船改由橫閘出力各

恩獎敘以資鼓勵事竊照上年冬間久晴風燥鎮江
府京口內河一帶潮枯水落幫船回次淺滯寸
步難移其未經入口掛江等候及在後尙未渡
江停泊瓜洲等處者復有一千一百餘艘旣慮
聚處滋事尤恐遲俟挑河開壩始行歸次則趕
辦新漕必難仰副

欽限當經

臣

陶澍附片陳明請由橫越閘行走

臣

蔣

攸銘赴鎮江閱伍面諭該府趙光祿該縣吳浚
遵照設法趕辦並派署叅將金萬全幫同照料
臣 訥爾經額亦卽派員前往復經 臣 陶澍親赴

查勘督同文武大小員弁或持令催提或巡防
彈壓或往來迎提接引計自十一月十八日起
至十二月初九日將江浙幫船一千一百三十
六隻全行進閘南下當將辦理情形恭摺奏

聞聲明出力員弁俟會同督 臣 漕 臣 查明另請

獎敘欽奉

硃批所辦甚好前此朕亦懸念此舉曾經面詢額騰

伊據云橫閘甚可行走可保無虞該府縣及文武等自應量加鼓勵奏到時再降諭旨毋許冒濫欽此查幫船回空南歸總在冬間水淺潮枯之候京口以內歷多阻滯迄無善策自嘉慶九年至道光四年屢議由橫閘行走皆以江路險阻而止此次試行常勦議之始亦多紛紛阻撓弁丁等尤堅執前說總以焦象二山崖深浪急爲詞經臣等迭札嚴飭決意試行臣陶澍抵鎮之日該府縣及金萬全親坐糧船之首始得督押前行莊芳機明玉分駐瓜洲京口南北照料劉燦

冷善長吳鏐同各員等分途馳催於二十日間
將幫船一千數百號全行進開遙渡南歸於漕
運頓開捷徑此後回空幫船如遇京口淺阻卽
酌山橫開行走可期無誤歸次在事尤爲出力
各員弁自當遵

旨量加鼓勵應請將鎮江府知府趙光祿京口水師
副將莊芳機漕標中軍副將明玉交部從優議
敘丹徒縣知縣吳浚本係以應陞之缺陞用人

員請

賞加同知銜護理鎮江營叅將事都司金萬全係緝

捕鹽梟查拏浙幫水手最爲出力之員請以本省遊擊陞用撫標左營千總劉燦本係卓異應陞之員請遇缺儘先陞用鎮江府知事冷善長丹徒縣主簿吳鏊皆係上屆催餉重運出力之員均請以應陞之缺陞用鎮江營把總冉鏜請以千總拔補劉河營遊擊吳加寶漕標左營中軍守備彭中杰京口右營守備廉延慶丹徒開闢官陶佩玉均請交部議敘如蒙

俞允不特該員等感激

鴻施倍加奮勵卽臣等遇事緊要亦得收指臂之效

其餘出力各員容臣等分別記名記功以勵將來謹繕摺會

奏伏乞

皇上聖鑒訓示施行謹

奏

道光九年正月十九日具

奏二月二十三日奉到

硃批另有旨欽此同日奉到道光九年二月初七日

內閣奉

上諭蔣攸銛等奏請鼓勵催償回空糧船出力各員

一摺上年冬間鎮江府京口內河一帶潮枯水落幫船回次淺滯難行經該督等設法改由橫閘行走督同文武員弁迎提催僭截至十二月初九日將江浙幫船一千一百三十六隻全行進閘南下無誤歸次辦理甚爲妥速茲據查明在事出力各員具奏自應量予恩施鎮江府知府趙光祿京口水師副將莊芳機漕標中軍副將明玉俱著交部從優議敘丹徒縣知縣吳浚著賞加同知銜護理鎮江營叅將都司金萬全著以該省遊擊陞用撫標左營千總劉燦本係卓異應陞之員著遇缺儘

先陞用鎮江府知事冷善長丹徒縣主簿吳鏞俱著以應陞之缺陞用鎮江營把總冉鏜著以千總拔補劉河營遊擊吳加寶漕標左營中軍守備彭中杰京口右營守備糜延慶丹徒閘閘官陶佩玉俱著交部議敘以示獎勵該部知道欽此

籌撥展賑口糧銀款摺子

總督會稿

奏爲籌撥展賑春賞口糧需用銀款恭摺具

奏仰祈

聖鑒事竊 臣等接准部咨道光九年正月初二日內

閣奉

上諭上年江蘇省海州等州縣被水被旱歉收業經分別蠲緩給賑予以口糧小民自可無虞乏食惟念今春青黃不接之時民力不無拮据着加恩將海州沭陽二州縣被八分七分成交災極次貧民展賑一月山陽高郵寶應沛縣之成災五分桃源縣

之成災五分及勘不成災並清河安東二縣勘不成災之情形較重各鄉莊乏食貧民均加賞一月口糧又阜寧鹽城二縣勘不成災各區及宿遷縣勘不成災之仁二等三十三圖沐陽縣被五分災之伍鎮八堡沛縣勘不成災之千一等五里乏食貧民俱賞給一月口糧其淮安大河二衛坐落各縣饑軍同貧生兵屬隨同各該州縣一律查辦以資接濟其餘勘不成災歉收各屬如有無力佃農應須酌借籽種口糧及出易平糶之處着臨時酌量辦理用示朕新詔錫羨惠洽羣黎至意該部卽

遵諭行欽此卽經恭錄行司移行欽遵所有應用銀款自應預爲籌備據江寧布政使賀長齡詳稱海州沭陽山陽清河桃源安東高郵寶應沛縣及淮安大河二衛展賑加賞口糧銀兩上年正賑冬賞口糧戶口已有實數應卽照此計算其上冬未經請賑今春請給口糧之阜寧鹽城宿遷沐陽沛縣等縣約畧核計連展賑加賞口糧通共需銀三十五萬數千餘兩除上年正賑冬賞口糧案內約有餘存銀二萬數千餘兩抵用外實應請撥銀三十三萬兩寧庫因頻年災

歉無款可支移查蘇藩司咨覆應行造入道光
九年春撥案內報完各款堪撥銀一十七萬兩
又蘇糧道移覆道光八年秋撥報完漕項內堪
撥銀一十六萬兩以上共堪撥銀三十三萬兩

詳請

奏明撥用前來

臣

等覆核無異相應

奏懇

天恩俯准將蘇藩司庫應行造入道光九年春撥案
內報完各款銀一十七萬兩又蘇糧道庫道光
八年秋撥案內報完漕項銀一十六萬兩共銀

三十三萬兩照數動撥以資接濟事竣核實造報如有多餘另行報部撥用設有不敷卽於司庫正項銀內奏撥濟用其餘歉收各屬如有無力佃農應須酌借籽種口糧及出易平糶之處臨時酌量辦理除飭該管道府州督飭印委各員趕查戶口核實散放務期實惠均沾仍隨時嚴密察訪如有胥役尅扣旨濫情弊立卽據實嚴叅究辦外所有籌撥展賑春賞口糧銀款緣由謹合詞恭摺具

奏伏乞

皇上聖鑒謹

奏

道光九年正月二十日會

奏二月二十三日奉到

硃批另有旨欽此同日奉到道光九年二月初八日
內閣奉

上諭蔣攸銛等奏籌撥賑賑春賞口糧銀款一摺本年江蘇省海州等州縣展賑加賞口糧應用款項其需銀三十五萬數千餘兩除上年正賑冬賞口糧餘存銀二萬數千餘兩抵用外實應撥銀三十

三萬兩據該督等奏稱江寧藩庫無款可支請於江蘇司道庫籌撥備用著准其將蘇藩司庫應行造入道光九年春撥案內報完各款銀一十七萬兩蘇糧道庫道光八年秋撥案內報完漕項銀一十六萬兩共銀三十三萬兩照數動撥以資接濟事竣覈實奏報如有多餘另行報部撥用設有不敷卽着於司庫正項銀兩湊撥濟用該督等卽飭該管道府州督同印委各員趕查戶口覈實散放務使實惠均沾仍隨時嚴密查訪如有胥役尅扣冒濫情弊卽據實嚴叅究辦該部知道欽此

代奏耆紳會榜重逢與宴加銜謝

恩摺子

總督會稿

奏爲據情代奏恭謝

天恩事據四品卿銜潘奕雋呈稱道光九年二月初

一日欽奉

上諭蔣攸銘等奏耆紳重與恩榮宴一摺江蘇原任
戶部主事潘奕雋年躋九秩前於壬午科重遇鹿
鳴賞給員外郎銜茲值己丑科會試蕊榜重逢洵
屬藝林盛事著加恩賞加四品卿銜准其重赴恩
榮筵宴以示朕嘉惠耆儒至意欽此伏念奕雋家

承儒素幸竊科名備員薇省得窺中祕之書分
職農曹預忝度支之任紀皇華之殊遇持節黔
陽念蒲質之衰庸乞身鄉里一家戴

德子姪相繼登科兩度蒙

恩鄉會欣逢周甲溯昔萃笙再詠已叨清秩之加迄
茲蕊榜重開更荷華資之擢

鴻施逾格非夢想所敢期馬齒徒增無涓埃之可報
謹卽恭設香案望

闕叩頭俟屆期赴京恭襄

盛典叩謝

天恩外所有感激下忱懇請代奏等情理合據

情恭摺具

奏伏乞

皇上聖鑒謹

奏

道光九年二月十九日具

奏三月十九日奉到

硃批另有旨欽此同日奉到道光九年三月初四日

內閣奉

上諭江蘇原任戶部主事潘奕雋前經降旨加恩賞

加四品卿銜准其重與恩榮筵宴茲據蔣攸銘等
據情代奏謝恩並懇屆期赴京恭襄盛典潘奕雋
蕊榜重逢固應來京與宴但念伊年躋九秩長途
跋涉維艱着加恩免其前來以示體卹其應得賞
件仍著該部照例賞給欽此

瀏河籌款再挑並緩漕未能搭運摺子

總督會稿

奏爲覆查瀏河現無閒款可籌暫緩挑辦並緩漕
米石未能趕幫派兌請俟下年搭運情形仰祈
聖鑒事竊照江蘇水利以吳淞黃浦瀏河爲最大謂
之震澤三江前此吳淞江淤塞僅存涓流一綫
經臣等遵

旨籌挑仰蒙

聖恩將糶變緩漕米價作正開銷不敷之款由外籌
奏業經挑竣深通其瀏河一處淤成平陸較吳
淞更甚旱澇之際農田往往失收復經臣等查

有蘇松等屬道光八年應行帶徵歷年緩漕及
七年冬間徵剩未完米款

奏請留蘇糶變借爲挑浚瀏河之費接准部議仍
令搭運赴通其挑浚瀏河工程另行籌款借用
奏明辦理等因當經轉行遵照茲據蘇州布政
使梁章鉅護理蘇松督糧道陳鑾詳稱瀏河爲
蘇松各屬水利所關查照成例本應民捐民辦
緣蘇省自道光三年重災以後民間元氣未復
力難挑辦司庫又無開款可籌故議請糶變緩
漕借給與舉攤徵歸款茲奉飭另籌借款查此

項挑河工費計需銀數十萬兩司庫出納有常實無如此鉅款堪以籌借不得不暫緩興挑應俟籌有銀款再行詳辦至此項緩漕等米應卽派幫搭運惟八年冬間新漕欽奉

諭旨迅速趕辦於四月上旬抵壩所有鎮江常州二屬各幫漕船俱已冬兌冬開於徒陽啟壩時陸續挽渡過江蘇州松江太倉等屬幫船亦於正月上旬以後接續兌開跟幫前進此時加派搭運實屬辦理不及且自去冬及春蘇省未得透雨水淺處所各幫已須剝船分載若再加派米

石必至負重難行若多雇剝船節節起卸更滋
遲滯請將此項徵存緩漕及徵存七年未完米
石畱俟下年搭運庶不致辦理窒碍等情臣等
覆查係屬實在情形謹會同漕運總督臣訥爾
經額合詞恭摺覆

奏伏乞

皇上聖鑒謹

奏

道光九年二月三十日會

奏三月二十三日奉到

硃批另有旨欽此同日奉到道光九年三月十一日

內閣奉

上諭蔣攸銛等奏請緩辦瀏河挑工並緩漕米石請
俟下年搭運一摺江蘇瀏河挑工前據該督等奏
請糶變緩漕米石借給興舉攤徵歸款嗣經部議
飭令另籌借款茲該督等查明此項挑河工費計
需銀數十萬兩司庫實無閒款可籌著照所請暫
緩興挑俟籌有銀款再行辦理其蘇松等屬道光
八年徵存歷年緩漕及徵存七年未完米石本應
卽行派幫搭運現在該各省幫漕船業經兌運開

行趕辦不及著畱俟下年搭運該部知道欽此

籌議練湖水利擇要興修摺子

總督會稿

奏爲籌議練湖水利請借動銀款擇要興修仰祈
聖鑒事竊照鎮江府之徒陽運河爲江浙兩省漕船
要道該處原係鑿山而成惟藉一綫江潮引納
通舟而潮來挾沙易致淤淺近年大江多有漲
沙梗塞潮勢每遇西風刮耗潮入更微兼漕船
往返時值冬盡春初雨水未生江潮尙澁無歲
不有阻滯皆因水無來源所致殊形掣肘查丹
陽縣有練湖古名曲阿後湖在運河西岸收納
長驪諸山八十四汊之水周圍一百六十里康

熙年開始將上練湖一百二十里改爲民田升
科下練湖亦逐漸就湮百十年來湖存無幾閘
堰亦俱壞闕收水無多查此湖自唐宋以來盜
決侵耕之禁甚嚴向稱三分灌田七分濟運自
練湖廢而徒陽運河歲藉挑挖實爲繁費緩急
靡恃臣陶澍前於嘉慶二十一年巡視南漕任
內會

奏請修治道光七年冬因挑河之便復親行履勘
始知練湖居高臨下正得瀉水濟運之宜本可
無須挑浚但當加築堤埂方能多蓄其湖身正

北之黃金閘地近莊前河上承馬陵橋來水下
達范家溝入運尤爲全湖咽喉必須修復以資
鈐束並將濱湖各涵閘擇要興修當經附片具
陳欽奉

殊批妥籌經久之策務收實效欽此上年十二月回

空漕船阻淺經

臣

蔣攸銛路過鎮江復飭該府

縣設法籌辦旋因漕船改由橫閘進口而下游
之宋家村姚灣至丹陽界之定山灣一帶多有
阻滯經該府趙光祿馳往上下練湖相視湖水
經由之路插立誌椿復赴運河下游趕做活壩

攔蓄將村民於黃金閘廢址所築之土壩啟通
掣動湖水由范家溝流放運河次日勘驗運河
之黃泥閘一帶增水二尺其餘各處亦增一尺
餘寸不等查驗練湖誌椿通湖牽計祇消水二
寸六分是前人所稱湖水放一寸河水增一尺
之語實爲信而有徵本年交春雨澤稀少運河
水淺復經該府縣將漕船提過丹陽南薰閘下
板卽日啟開練湖東南角涵洞放水濟運各船
亦得啣尾前行查練湖廢弛已久茲旣試驗有
效自應設法修理惟經久之策必須全湖加堤

築埂修復運河諸閘及濱湖涵洞層層攔蓄方能回漾接濟至丹徒鎮以上統計工用不下二三十萬經費較繁惟有先其所急擇要興辦現勘得黃金閘舊址適當衝隘既爲蓄水要樞尤爲放水關鍵亟應修復以備蓄洩其瀉水入運之范家溝在丹陽縣上游二十五里該處切近黃泥壩地方嘉慶二十二年建有黃泥閘一座彼時亦爲攔蓄上游江湖而計現查所建之閘在范家溝北數百步若黃金閘放水入運反在黃泥壩之南不能蓄水回漾上游地位倒列殊

乖措置可見彼時但知有江湖灌入運河全不知有練湖可以放水入運無怪自修造以來迄未見效今亦漸就傾圯應將黃泥閘移建稍南五里之張官渡其地在范家溝下游係練湖東北角舊有涵洞遇緊急時將閘板堅閉或從黃金閘放水或從濱湖涵洞放水均可回激北上源源接濟此二閘關係最要卽將來經費稍裕大修練湖亦係必應先辦之工現旣籌議興修應卽擇要趕辦惟採置新石有需時日現據該鎮江府趙光祿查得下練湖東堤舊有四閘地

勢稍高未能放水入運久成虛設酌畱其一以
存舊跡其餘三閘石料即可全行拆運爲修建
黃金閘及張官渡新閘之用於要工可期迅速
逐加確估修復黃金閘木石各工及築壩戽水
添換繩板各項需銀一萬四千兩移改黃泥閘
至張官渡需銀一萬兩共需銀二萬四千兩稟
經蘇州布政使梁章鉅勘驗實係切要應辦之
工所估銀數均屬核實估計加倍搏節請免其
報銷並請於司庫封貯銀內先行借給卽委該
府趙光祿承辦俟新漲沙洲歸公召佃後徵存

租息陸續歸款等情復經臣陶澍親詣相度帶

同該府指示機宜札商臣蔣攸銛意見相同應

卽趁春水未深照數發銀趕辦興工如有尙須

酌辦之件另容籌措所借封貯銀兩查各屬有

新漲沙地前經臣陶澍遵

旨議將租息歸公爲通省水利之用接准部覆奉

旨允行現在飭屬妥議條款俟覆

奏後收到租息卽將此項借款先行歸還封貯責

成該府趙光祿一手經理督同丹徒丹陽二縣

遴員趕辦以期工歸實用事竣稟驗不任稍有

草率偷減並請免其報銷以歸簡捷所有籌議
練湖水利請借封貯銀款擇要辦理緣由謹合
詞恭摺具

奏伏乞

皇上聖鑒訓示謹

奏

道光九年二月三十日具

奏三月二十三日奉到

硃批另有旨欽此同日奉到道光九年三月十一日

內閣奉

上諭蔣攸銛等奏籌議練湖水利請借動銀款擇要
興修一摺江蘇丹陽縣練湖廢壞已久據該督等
督飭該府縣詳加勘驗黃金閘適當衝隘亟應修
復以備蓄洩其舊建黃泥閘應移建稍南五里之
張官渡實係必應先辦之工並查明下練湖東堤
舊閘酌存其一其餘三閘石料即可全行拆運爲
修建黃金閘及張官渡新閘之用所有估修黃金
閘木石各工及築壩戽水添換繩板各項並移改
黃泥閘其需銀二萬四千兩着照所請於司庫封
貯銀內先行如數借給責成該管知府一手經理

督同丹徒丹陽二縣遴員趕辦所借銀兩俟新漲沙洲歸公召佃後徵存租息陸續歸款免其報銷該督等務當嚴飭該府縣認真辦理以期工歸實用事竣親往核實驗收毋任稍有草率偷減該部知道欽此

赴鎮江催漕摺片

再本年漕船欽奉

諭旨四月初十日以前齊抵禦黃壩經臣通飭各屬
敬謹遵循務須速益求速該縣幫亦均知謹凜
於正月初旬一律兌開惟自去冬至今雨澤稀
少各處河道淺阻漕船多有難行各幫帶駁搬
載出淺如蘇州城外之貨衙崑山城外之城河
及金壇縣之七里河松江屬之泖湖等處古淺
本多經臣遴委衛弁吉壽營弁張瑞林喬泰德
等持令守催俱已疏通又武進之小龍嘴尤爲

淺窄經署縣鄧秉乾築壩排車引水灌塘將宜
與荆溪溧陽之漕船全數挽入正河適行其鎮
江一處爲江湖灌入口門迭經西風刮耗丹徒
西門閘底比之上年此時竟淺至四尺二寸閘
板不敢輕啟卽已出京口之船亦難逆風渡江
臣接據稟信不勝焦急當飭該府縣查照去冬
辦法將練湖南岸之頭二涵啟放水藉資接
濟一面雇船添駁於二月二十五日親詣練湖
勘辦閘工適漕臣訥爾經額亦因催漕來抵鎮
江臣復馳往會商設法籌贖並派委主簿吳鏞

知事冷善長王亨何衡均紀樹芾鹽大使帥宗
榆等分押剝船魚貫運行業將首進漕船催促
出江連日得有微雨大汛期內潮水漸形暢旺
每日已可過船八九十隻及百餘隻不等風色
亦轉東南更得甘霖大沛自可源源跟渡以速
補遲惟聞江浙交界之震澤鎮地方水勢亦淺
臣已委員馳往查辦現在京口一帶有漕臣暫
駐籌催不致遲誤臣仍回省督僦浙船以速全
漕仰慰

宸廑謹

奏

道光九年二月三十日具

奏三月二十三日奉到

硃批知道了欽此

代奏運司在籍患病請開缺摺子

奏爲運司在籍患病懇請開缺調理仰祈

聖鑒事竊照新調山東鹽運使吳箎交卸安徽廬鳳道篆務請假回原籍江蘇如臯縣修葺祖墓於九年正月初六日到籍當經督臣蔣攸銛遵

旨催令速赴新任茲據如臯縣知縣王善業詳據吳箎遣屬呈稱修墓事竣正在束裝起程因積受寒濕兩足陡患脚氣步履維艱現在上緊調治惟氣血兩虧一時未能痊愈難以赴任將文憑呈繳暫請具奏開缺俾得安心調治等情由縣

傳同醫學視詣查驗屬實取結同文憑一併繳送前來臣查吳箎由安徽廬鳳道奉

旨簡放兩淮鹽運使調補山東鹽運使尙未到任請假回籍修墓猝患足疾驟難就痊據該地方官驗明結報理合據情奏懇

天恩俯准開缺在籍調理所遺山東鹽運使缺恭候諭旨另行

簡放以重職守除將文憑咨繳吏部查銷各結分送部科並移知山東巡撫外謹恭摺具

奏伏乞

皇上聖鑒謹

奏

道光九年二月三十日具

奏三月二十三日奉到

硃批另有旨欽此同日奉到道光九年三月十一日

內閣奉

上諭陶澍奏運司在籍患病懇請開缺一摺調任山東鹽運使吳箠著准其開缺在籍調理該部知道
欽此

請緩蘇局卯錢毋須補鑄摺子

奏爲覆查蘇省局錢充裕並察看市價情形請俟
道光十年按卯開鑄所有道光七年五卯及八
九兩年額未鑄錢文毋庸補鑄仰祈

聖鑒事竊照蘇城前因銀價昂貴錢價過賤經臣於
道光八年四月內

奏請暫借司庫銅鉛工本銀兩易換錢文以平銀
價嗣復請將易存錢文搭放兵餉聲明蘇局鼓
鑄俟來春察看市價情形再行酌辦欽奉

硃批依議欽此並准戶部咨覆以蘇局道光七年分

尚有未鑄五卯錢文行令同八年未鑄卯額趕
緊開爐補鑄以符年額等因轉行遵照去後茲
據蘇州布政使梁章鉅江蘇按察使衍慶飭據
署蘇州府知府俞德淵寶蘇局監督范博文查
核情形會議請免補鑄由司詳請具

奏前來臣伏查寶蘇局每年鼓鑄錢文本因搭放
各營兵餉兼可藉平錢價是以

國家不惜經費每鑄錢一千需用工本銀九錢一
二分有零今查本年春間長洲等三縣正二等
月分摺報紋銀每兩易錢一千二百餘文及一

千三百文不等是錢價正當至賤之時不值以至貴之工本多爲鼓鑄且現查存局之錢計有一十一萬一千六百餘串內除本年應放江寧各營九年秋冬十年春夏蘇州各營九年夏秋冬十年春季兵餉共約需錢七萬六千串尙餘錢三萬五千餘串核計道光十年秋餉尙堪動放若此時仍照年額按卯開鑄非特庫錢愈積愈多於量入爲出之道未協且錢價必致更賤銀價復又增昂市價愈不能平民商諸多未便兼之多糜經費亦於

國計有關據該司等以搭放兵餉錢文現足敷用
議請將道光七年未鑄五卯及八九兩年年額
卯錢免其補鑄從道光十年起再行按照年額
開爐鼓鑄彼時舊錢已竣接用新錢於兵餉並
無短缺而工價諸多節省成本不致虛懸於錢
法較爲核實所有寶蘇局額錢毋庸補鑄緣由
謹會同大學士兩江總督 臣 蔣攸銛恭摺具
奏伏乞

皇上聖鑒訓示謹

奏

道光九年三月十八日具

奏四月二十一日奉到

硃批依議欽此

挑浚吳淞江工段銀數摺子

奏爲挑浚吳淞江工段銀數循照部咨開單

奏報仰祈

聖鑒事竊照上海青浦嘉定三縣境內之吳淞江爲
東南水利要樞前因年久淤塞欽奉

諭旨興挑於道光八年春間挑竣經臣親往驗收悉

與原估寬深丈尺相符合會同督臣具

奏欽奉

諭旨准將原借平糶緩漕米價銀二十六萬五千七
百三十二兩零卽作爲挑浚吳淞江經費就款開

銷仍飭令照數造報其不敷銀三萬三千餘兩及興工後一切增多費用並各州縣自行捐措之款仍遵前旨免其報銷等因欽此行據蘇州府等將挑過工段銀數開報由藩司核明轉造司冊詳送復經臣據詳具

題接准部覆飭將挑過長寬高深丈尺併土方銀數開單奏報等因轉行遵照去後今據蘇州布政使梁章鉅飭據署蘇州府知府俞德淵等督同上海青浦嘉定三縣開造簡明清冊詳送請奏前來臣覆核無異謹會同大學士兩江總督臣

蔣攸銛恭摺具陳併另繕清單恭呈

御覽伏乞

皇上聖鑒

勅部核覆施行謹

奏

謹將挑浚吳淞江河道併估築柴土各壩長寬
高深丈尺需用銀數開繕清單恭呈

御覽

計開

一段自井亭渡起至李浦止長一百八十五丈

估挑口寬十一丈五尺底寬五丈深一丈三尺除舊河形土方外實挑土七千七十六方二分五釐

前工河頭估築柴土壩一道長二十八丈牽寬四丈一尺高深一丈一尺內土壩身寬三丈二尺高深一丈一尺壩外廂柴寬九尺高七尺柴埽上架築頂土高四尺寬九尺共估土方料物銀九百五十二兩零

二段接前至橫澗止長二百丈估挑口寬十一丈五尺底寬五丈深一丈三尺除舊河形土

方外實挑土一萬一百五十方

三段接前長九十丈估挑口寬十一丈五尺底寬五丈深一丈三尺除舊河形土方外實挑土四千二百十四方七分

四段接前至孟津港止長八十五丈估挑口寬十一丈五尺底寬五丈深一丈三尺除舊河形土方外實挑土四千三百四十七方七分五釐

五段接前至嘉定縣界止長三百三十三丈五尺估挑口寬十一丈五尺底寬五丈深一丈

三尺除舊河形土方外實挑土一萬六千三百二十四方八分二釐五毫

前工北岸孟津港估築土壩一道長三丈頂寬五尺底寬二丈高深五尺共估土十八方七分

又南岸王家港估築土壩一道長二丈五尺頂寬五尺底寬二丈六尺高深七尺共估土二十七方一分

又北岸支河浜口估築土壩一道長二丈五尺頂寬五尺底寬二丈一尺五寸高深五

尺五寸共估土十八方二分

六段接前至賊家灣止長三百丈估挑口寬十一丈五尺底寬五丈深一丈三尺除舊河形土方外實挑土一萬七千一百七十五方

前王南岸宋王渡估築土壩一道長二丈頂寬五尺底寬二丈三尺高深六尺共估土十六方八分

又南岸艾祁浦估築土壩一道長二丈五尺頂寬五尺底寬二丈高深五尺共估土十五方六分

七段接前至倪港止長一百七十二丈估挑口
寬十一丈五尺底寬五丈深一丈三尺除舊
河形土方外實挑工一萬五百三十五方

八段接前至吳塘浦止長二百二十丈估挑口
寬十一丈五尺底寬五丈深一丈三尺除舊
河形土方外實挑土一萬三千六百九十五
方

前工南岸朱土浦估築土壩一道長四丈頂
寬五尺底寬二丈四尺五寸高深六尺五
寸共估土三十八方三分

又南岸施家浜估築土壩一道長三丈頂寬
五尺底寬二丈三尺高深六尺共估土二
十五方二分

九段接前至老吳淞口迤上止長九十二丈估
挑口寬十一丈五尺底寬五丈深一丈三尺
除舊河形土方外實挑土五千八百九方八
分

前工北岸五塘浦估築土壩一道長一丈五
尺頂寬五尺底寬二丈三尺高深六尺共
估土十二方六分

卷之三十三
三十三
十段接前長一百三十丈估挑口寬十一丈五尺底寬五尺深一丈三尺除舊河形土方外實挑土八千二百六十四方一分

前工老吳淤西口估築土壩一道長十二丈頂寬五尺底寬五丈三尺高深八尺共估土二百七十八方四分

十一段接前至千秋橋止長一百三十三丈估挑口寬十一丈五尺底寬五丈深一丈三尺除舊河形土方外實挑土九千一百二十五方一分三釐

前工南華港估築土壩一道長二丈頂寬五尺底寬二丈一尺五寸高深五尺五寸共估土十四方五分

又北華港估築土壩一道長二丈頂寬五尺底寬二丈一尺五寸高深五尺五寸共估土十四方五分

十二段接前長八十丈估挑口寬十一丈五尺底寬五丈深一丈三尺除舊河形土方外實挑土五千六十方

十三段接前長一百五十丈估挑口寬十一丈

五尺底寬五丈深一丈三尺除舊河形土方
外實挑土一萬四百七十七方五分

前工赤雁浦估築土壩一道長一丈五尺頂
寬五尺底寬二丈高深五尺共估土九方
三分

十四段接前長一百四十丈估挑口寬十一丈
五尺底寬五丈深一丈三尺除舊河形土方
外實挑土一萬三百五十三方

十五段接前長一百一十丈估挑口寬十一丈
五尺底寬五丈深一丈三尺除舊河形土方

外實挑土八千六百二方

前工北岸老吳淞東口估築土壩一道長五丈頂寬五尺底寬二丈九尺高深四尺共估土三十四方

十六段接前長二百丈估挑口寬十一丈五尺底寬五丈深一丈三尺除舊河形土方外實挑土一萬六千九百二十方

前工北岸曹家浜估築土壩一道長二丈五尺頂寬五尺底寬二丈高深五尺共估土十五方六分

十七段接前至唐家渡東止長二百四十丈估挑口寬十一丈五尺底寬五丈深一丈三尺除舊河形土方外實挑土二萬二百二十方

十八段接前至嘉定界止長二百五十丈估挑口寬十一丈五尺底寬五丈深一丈三尺除舊河形土方外實挑土二萬六百八十五方

十九段接前長二百二十丈估挑口寬十一丈五尺底寬五丈深一丈三尺除舊河形土方外實挑土一萬八千五百三十九方四分

二十段接前至新渡止長二百六十丈估挑口

寬十一丈五尺底寬五丈深一丈三尺除舊
河形土方外實挑土二萬三千八十八方

二十一段接前至封家浜止長五百四十丈估
挑口寬十一丈五尺底寬五丈深一丈三尺
除舊河形土方外實挑土四萬六千一百二
十六方八分

前工北岸封家浜估築土壩一道長三丈頂
寬五尺底寬二丈三尺高深六尺其估土
二十五方二分

前工南岸鹽壩浦估築土壩一道長三丈頂

寬五尺底寬二丈二尺高深六尺其估土

二十四方三分

二十二段接前至高嵩塘止長二百七十丈估挑口寬十一丈五尺底寬五丈深一丈三尺除舊河形土方外實挑土二萬三千七百六十八方一分

二十三段接前至橫塘浜止長四百四十八丈估挑口寬十二丈底寬五丈深一丈四尺除舊河形土方外實挑土四萬六千七百七十一方二分

前工蟠龍港估築土壩一道長二丈頂寬五尺底寬二丈三尺高深六尺共估土十六方八分

二十四段接前至上海交界牌對過止長四十五丈三尺估挑口寬十二丈底寬五丈深一丈四尺除舊河形土方外實挑土五千一百三方四釐五毫

二十五段接前至小娘子浜止長三百丈估挑口寬十二丈底寬五丈深一丈五尺除舊河形土方外實挑土三萬四千一百六十四方

二十六段接前至中沙浜止長四百三十丈估
挑口寬十二丈底寬五丈深一丈六尺除舊
河形土方外實挑土四萬九千二十方

二十七段接前至平湖港對過止長三百丈估
挑口寬十二丈底寬五丈深一丈六尺除舊
河形土方外實挑土三萬六千九百二十四
方

二十八段接前至菴上渡止長三百三十丈估
挑口寬十二丈底寬五丈深一丈七尺除舊
河形土方外實挑土四萬一千二百二十八

方二分二釐

二十九段接前至野雞墩營房止長三百八十八丈估挑口寬十二丈底寬五丈深一丈八尺除舊河形土方外實挑土四萬九千八百六十二方四分

三十段接前至東浜止長四百八十丈估挑口寬十二丈底寬五丈深一丈八尺除舊河形土方外實挑土六萬二千八十四方一分六釐

前工北岸申紀港估築土壩一道長二丈頂

寬五尺底寬二丈高深五尺共估土十二方五分

三十一段接前至張家行渡止長三百五十四丈估挑口寬十二丈底寬五丈深一丈九尺除舊河形土方外實挑土四萬七千六百七十三方一分八釐

前工北岸東浜口估築土壩一道長二丈頂寬五尺底寬二丈高深五尺共估土十二方五分

三十二段接前至王明港止長二百六十丈估

挑口寬十二丈五尺底寬五丈深二丈一尺
九寸零除舊河形土方外實挑土三萬五千
八百十方七分八毫

三十三段接前至新涇西渡止長二百三十丈
估挑口寬十二丈底寬五丈深二丈三尺除
舊河形土方外實挑土三萬一千七百七十
四方五分

三十四段接前至新涇東渡止長二百五十丈
估挑口寬十二丈五尺底寬五丈深一丈九
尺除舊河形土方外實挑土三萬四千五百

五十方

前工南岸新涇港估築土壩一道長二丈頂寬五尺底寬二丈高深五尺共估土十二方五分

又北岸新水瀆港估築土壩一道長二丈頂寬五尺底寬二丈高深五尺共估土十二方五分

三十五段接前至陳家渡止長四百五十五丈估挑口寬十二丈五尺底寬五丈深一丈七尺除舊河形土方外實挑土六萬二千五百

三十二方一釐五毫

三十六段接前至宋家灘止長二百丈估挑口
寬十二丈五尺底寬五丈深一丈六尺除舊
河形土方外實挑土二萬七千五百三十方
八分

前工南岸法華港口估築土壩一道長二丈
頂寬五尺底寬二丈高深五尺共估土十
二方五分

三十七段接前至甘家宅東止長二百五十丈
估挑口寬十二丈五尺底寬五丈深一丈六

尺除舊河形土方外實挑土三萬四千十三方五分

三十八段接前至朱家灘止長三百四十丈估挑口寬十二丈五尺底寬五丈深一丈六尺除舊河形土方外實挑土四萬六千七百六十七方

三十九段接前至張家灣長一百八十三丈估挑口寬十二丈五尺底寬五丈深一丈六尺除舊河形土方外實挑土二萬五千一百七十七方四分八釐七毫

四十段接前至趙家灣對過止長三百四十丈
估挑口寬十二丈五尺底寬五丈深一丈六
尺除舊河形土方外實挑土四萬六千七百
六十七方

四十一段接前長二百九十丈估挑口寬十二
丈五尺底寬五丈深一丈六尺除舊河形土
方外實挑土三萬九千九百十八方五分

四十二段接前至萬安渡止長二百五丈估挑
口寬十二丈五尺底寬五丈深一丈六尺除
舊河形土方外實挑土二萬七千八百二十

八方七分五釐

四十三段接前至曹家渡止長四百十五丈估挑口寬十三丈五尺底寬五丈深一丈五尺除舊河形土方外實挑土四萬七千八百四十五方三分五釐

以上挑河共工四十三段共長一萬八百八十九丈八尺共估土一百一十四萬三千七百八十三方一分七釐內

稀淤土二十三萬五千二百九方六分三釐每方估銀二錢八分共銀六萬五千八百

五十八兩零

淺淤土九十萬八千五百七十三方五分四釐每方估銀二錢五分共銀二十二萬七千一百四十三兩零

以上挑河共估土方銀二十九萬三千二百零零係照南河江防廳例閱月方價摺節估計

工尾曹家渡估築攔湖柴土大壩一道牽長二十丈牽寬八丈八尺高深一丈七尺內土壩寬四丈八尺高深一丈七尺壩外廂

柴寬四丈高深一丈七尺計單長一千三百六十丈共用料土夫工銀五千六兩零
南北兩岸支港浜口共估築土壩二十二道
共用土方銀二百二十六兩零

工頭估築攔河柴土大壩一道共用料物土方銀九百五十二兩零

以上柴土壩工共估銀六千一百八十五兩零係照南河江防廳則例核估

統計挑河築壩共估銀二十九萬九千一百八十七兩零除動用平糶米價銀二十六

萬五千七百三十二兩零應行照數請銷
外尚計不敷銀三萬三千四百五十五兩
零係在外籌款捐辦合併陳明

道光九年三月十八日具

奏四月二十一日奉到

硃批工部知道單併發欽此

仁宗聖訓全部謝

恩摺子

奏爲恭謝

天恩事竊臣摺弁回蘇齋奉

仁宗睿皇帝聖訓全部

頒賞到臣當卽恭設香案望

闕叩頭祇領欽惟

仁宗睿皇帝

治協重熙

道隆繼運

乘

元后聰明之哲隆

大廷

授

受之儀乃

聖乃

神從欲慶四方之治是

彝是

訓無疆垂萬世之庥我

皇上烈以承

謨

明能述

聖

念億萬姓飲

和食

德

到治常昭溯廿五年

宣諭

批章

嘉言具在

模範雖修於

寶籙寰區未覩夫

宏編爰

命館

臣

纂修

聖訓書成百有十卷視典謨訓誥而彌著光華類分三

十六門合

綱紀

文章而悉臻美備輝生卷帙

遺徽經

乙覽之勤

頒及臣工

垂誠作寅清之勗臣叨蒙

知遇感慕

生成仰今茲刊

賜之

典章都曩昔欽承之

詔令展

德音之魏煥重覩

絲綸誦

鉅製之敷揚彌傾葵藿惟有竭茲愚鈍稍體

聖人纂

緒之心勉期仰答

仁慈用宣

盛世紹衣之治所有臣感激下忱謹繕摺恭謝

天恩伏乞

皇上聖鑒謹

奏

道光九年四月初十日具

奏五月十二日奉到

硃批覽欽此

請緩淮安熟田錢糧摺子 總督會稿

奏爲淮安府屬各縣衛上年熟田應徵新舊錢糧
仰懇

聖恩緩至秋後起徵以紓民力事據江寧布政使賀
長齡詳稱據署阜寧縣知縣宛承玠稟稱該縣
連年災歉上年信字廟灣等一十三里雖間或
有收而壩水涸後種麥已遲春收歉薄請將道
光八年及本年上忙應徵地漕河工蘆課灘租
等款併八年未完折辦漕價銀兩一併緩至本
年秋後起徵又據署山陽縣知縣張慶瑗詳稱

該縣頻年災歉上年又被災較廣雖有熟田悉係毘連災區所獲薄收本非充足現在民情竭歷請將未完道光八年熟田地漕錢糧及河灘學租同九年上忙新賦一併緩至本年秋後起徵又據署安東縣知縣晏曙東稟稱該縣頻年災歉上年成熟之區雖間得收穫而災熟毘連未免歉薄際此青黃不接民情竭歷請將應徵道光九年上忙熟田新賦併道光八年熟田尾欠錢糧以及新舊熟田攤徵等款緩至本年秋後起徵又據淮安衛守備溫良稟稱坐落山陽

安東阜寧三縣屯田與民田情形相同所有上年熟田未完及本年上忙錢糧請隨同各該縣民田一律緩至本年秋後帶徵又據署大河衛守備余克鈞稟稱該衛坐落安東縣東西二路鎮蔣階雲蔣鳴儒二伍係上年成熟之區雖係有收而災區毘連際此青黃不接軍力未免拮据請將應徵道光九年上忙新賦八年熟田尾欠錢糧及應徵七年熟田月糧米豆麥石與該縣民田一體緩至本年秋後起徵各等情移行該管道府查明具詳請

奏前來 臣等覆加體察阜寧山陽安東淮安大河等五縣衛皆係積歉之區上年又復被水間有熟田亦多係毘連災區民間元氣未復當此青黃不接之際若將應徵新舊錢糧按忙催輸民力實有未逮合無仰懇

天恩俯准將阜寧山陽安東淮安大河等五縣衛道光八年成熟田地應徵八年未完及九年上忙地漕錢糧攤徵河工蘆課灘租學租折辦漕價併大河衛七年熟田月糧米麥豆石等款准其緩至本年秋後起徵以紓民力而廣

聖恩臣等謹合詞恭摺具

奏伏乞

皇上聖鑒謹

奏

道光九年四月初十日具

奏四月二十八日內閣奉

上諭蔣攸銛等奏查明淮安府屬各縣衛上年熟田
應徵新舊錢糧懇請緩徵一摺江蘇阜寧山陽安
東淮安大河等五縣衛地畝皆係積欠之區上年
又復被水間有熟田亦多毘連災地民氣未復據

該督等查明懇請恩施着照所請加恩將阜寧縣
上年信字廟灣等一十三里應徵道光八年及本
年上忙地漕河工蘆課灘租等款併八年未完折
辦漕價銀兩准其一併緩至本年秋後起徵山陽
縣未完道光八年熟田地漕錢糧及河灘學租同
九年上半年新賦俱緩至本年秋後起徵安東縣應
徵道光九年上半年熟田新賦併道光八年熟田尾
欠錢糧及新舊熟田攤徵等款俱緩至本年秋後
起徵又淮安衛坐落山陽安東阜寧三縣屯田上
年熟田未完及本年上半年上忙錢糧准其隨同各該縣

民田一律緩至本年秋後帶徵又大河衛坐落安東縣東西二路鎮蔣階雲蔣鳴儒二伍應徵道光九年上半年新賦八年熟田尾欠錢糧及應徵七年熟田月糧米麥豆石准其與該縣民田一體緩至本年秋後起徵以紓民力該部知道欽此

代奏耆紳重逢會榜免赴京宴謝

恩摺子

奏爲懇請據情代

奏恭謝

天恩仰祈

聖鑒事據四品卿銜潘奕雋呈稱竊奕雋幸邀

壽寓獲享長年欣茲榜之重逢沐

榮施之溢分莫名感戴實切悚慚乃蒙

高厚鴻慈倍常體恤念長途之跋涉蒲質難堪破

逾格之矜全

陽明先生集卷之三
溫綸疊荷驚鈍方虞夫後至龍鍾俯免其前來
體下臣不敢達之情得曠代莫能邀之典又蒙
頒賞表裏二端謹卽恭設香案望

闕叩頭祇領幸附登瀛之列

寵賚均沾榮踰釋褐之年章身有耀粉鄉食
德頻邀

雨露之施葵向并誠愧乏涓埃之報從此優遊
化日欣瞻

軒紀之舒長以後遲暮餘齡悉荷

堯天之覆庇所有感激下忱請據情代

奏前來理合據情恭摺具

奏伏乞

皇上聖鑒謹

奏

道光九年五月二十九日具

奏六月初一日奉到

硃批知道了欽此

籌補江寧藩庫封貯銀款摺子

奏爲江寧藩庫動缺封貯銀款請將捐監銀兩陸續歸補以重庫藏仰祈

聖鑒事據江寧布政使賀長齡詳稱藩庫封貯一款專爲儲備而設前因動用無存於嘉慶四年經戶部奏准外省收捐監生以補封貯嗣於嘉慶十四年欽奉

諭旨以十萬兩解部五萬兩歸補封貯迨道光五年因部庫緊要外省暫停歸補每奏足五萬兩卽行解京茲查江寧藩庫額存封貯銀四十八萬兩

自收捐歸足之後復經動撥賑濟口糧兵餉河
工防堵軍需協濟耗羨存公等項之用現僅存
銀一萬五千八百三十八兩零其動撥各款之
內除防堵豫東軍需未歸銀七千一百二十兩
零尚有本款催追歸補外其餘歷年動缺銀四
十五萬七千四十一兩零懸缺未補請以捐監
銀兩陸續歸補詳請具

奏前來

臣

查在外捐監其初原爲歸補封貯繼因
部庫緊要儘收儘解現如甘肅動缺封貯業經
戶部奏請以陝西等省收捐監銀歸補又河南

省亦經奏准將監銀分別封貯起解江寧乃東南重地儲備要需未便日久虛懸以致緩急無備所有江寧藩庫歷次動缺封貯銀四十五萬七千餘兩合無仰懇

聖恩俯准將江寧收捐監銀仍以五萬兩爲一次凡兩次解部之後再續收五萬兩卽歸補封貯相間輪轉統俟封貯足額卽全行解京如此辦理庶緩急有資不失籌備之意亦仍與嘉慶十四年以十萬兩解部五萬兩歸補封貯之

諭旨相符而遞解遞補仍係起解爲多於部庫亦無虞

支絀如蒙

俞允卽請自道光九年爲始遵照辦理謹會同大學士兩江總督

臣

蔣攸銛恭摺具

奏伏乞

皇上聖鑒訓示謹

奏

道光九年六月初一日具

奏七月初六日奉到

硃批另有旨欽此又同日奉到道光九年六月十九

日內閣奉

上諭陶澍奏江寧藩庫動缺封貯銀款請將捐監銀兩陸續歸補一摺外省收捐監生銀兩向係以十萬兩解部五萬兩歸補封貯嗣經戶部奏准暫停歸補每奏足五萬兩卽行解京茲據該撫查明江寧藩庫額存封貯一款歷年動缺銀四十五萬七千四十一兩零未便日久虛懸請以捐監銀兩陸續歸補着照所請所有江寧收捐監銀自本年爲始仍以五萬兩爲一次凡兩次解部之後再續收五萬兩卽歸補封貯相間輪轉俟封貯足額卽全行解京該部知道欽此